


Leo
Dorothal



Leo Dorothal, q.e.p.d. mester wordo reconoci como un luchador incansabel pa e Simbolonan di Aruba.

Un homenahe postumo na un persona cu a dedica su ultimo añanan di bida luchando pa un causa “E respect pa e colornan berdadero di nos bandera”.

Na nos edicion di Maart 2003, nos a dedica un articulo basta extenso di investigacion cu Sr. Leo Dorothal tabata haciendo pa casi 2 aña na diferente caminda riba e berdadero colornan di e bandera di Aruba y na edicion di Maart 2005 nos a bolbe presenta un resumen casi final di e trabao.

Sr.Dorothal su deseo tabata pa yega na e color unico y berdadero di nos bandera. Dor di esei a trece Aruba Sra. Sarah Bolliger for di Merca cu tabata e persona encarga na aña 1976 hunto cu e comicion di e diseño y colornan di e bandera. Den e bishita aki di Sra. Sarah Bolliger ela trece un “Original First Edition” di e bandera cu a wordo hisa na Aruba pa prome biaha. Den conversacion cu Sr. Leo nos por corda cu un personahe pa nos historia manera ta e caso di Sra. Bolliger no a haya e atencion necesario y mereci for di gobierno, pero esaki no a desmotiva Sr.

Dorothal y e la sigui cu su investigacion y su lucha.

Den e corto bishita di Sra. Bolliger, Sr. Dorothal a haci un recorrido na diferente scol pa nan cera conoci cu ne y haci un presentacion con e bandera ta hinca den otro, con pa trahe y e inkietud e tempo ei di e colornan. E tempo ei ainda Sr. Dorothal no tabata presenta sintomanan di su enfermedad.

Na april 2004 repentinamente Sr.Dorothal a cuminsa manifesta algun molester y cu un bishita na doctor a wordo confirma cu tabata sufri di cancer, un malesa cu ela bringa te na ultimo cu hopi fe y speransa di biba. Apesar di tur e contratempo y sintomanan di e malesa Sr. Dorothal no a descurasha y a sigui cu su lucha pa establece e colornan di e bandera.

Na Maart 2004, despues di 28 aña Sr. Dorothal a logra reuni tres persona cu na aña 1976 a traha hunto cu Sr.Julio Maduro q.e.p.d riba e diseño di e bandera. Sr. Ronald Donk, Sr. Epi Wever y a trece back for di Merca Sra. Sarah Bolliger.

Na aña 2005 Sr. Dorothal cu hopi esfuerso na luna di februari a logra cumpra y trece Aruba for di Cheshire,

Inglatera e “color book” “British Colour Council Dictionary of Colour Standard”, B.C.C.un buki di coleccion y cu tin masha poco na mundo. Cu e buki aki nos por stablece e berdadero color di bandera y use como punto di referencia pa tin un bandera di un solo color na Aruba.

Sr. Dorothal su meta tabata pa entrega na e prome Minister di Aruba Sr. Nelson Oduber un publicacion “De geschiedenis van de Vlag van Aruba: 1977 is 1976 niet”. Den e buki e la completa un informe hopi amplio di e colornan di e bandera, e medidanan y e forma cu e bandera mester wordo traha segun statut di aña 1976, mensahe cu tabata spera por a cai den bon man pa ser ejecuta manera nos constitucion a declara na aña 1976.

Cu e entrega dia 10 di maart 2006 di e informe aki su mision cu e bandera y e pueblo di Aruba a wordo cumpli. Despues di esaki su salud a cuminsa bai atras te cu lamentabelmente dia 17 di Mei 2006 ela fayece lagando atras tur e informacion necesario pa e mision wordo completa y definitivamente nos por haya un bandera y un colo manera mester ta.

Cu Leo sosega na paz...

Advertentie



Dog Lovers
Grooming
Service N.V.

- ♥ - Tratamento contra sarna
- ♥ - Baño contra carpata
- ♥ - Baño di crema
- ♥ - Corta huña
- ♥ - Blow
- ♥ - Limpia horea
- ♥ - Los conopi

PHONE 587-0387 / CEL 592-9673 / MOKO 56-C